

magisteriumq; populi dei promouendus est. primum ei us debent opera cognosci. ut dum hoc quod foris omnibus patet. inreprehensibile paruerit. couēient ex tpe & integritas cordis eius. et fidei sinceritas scrutet̃.

DE PODERE idest TVNICA LINEA Ca. XVI.

Ecundū est linea tunica. que gr̃ce. ποδηνος.  
s Poderis. latine talaris dicitur. eo quod ad talos usq; descendat. Hęc Iosephus bislinam uocat. cuius significatio mystica in promptu est. Cum enim cōstet lino uel bisso continentia & castitate significari. strictam habent lineam sacerdotes. cum propositū continentie non eneruiter. sed studiose conseruāt. Hęc ad talos usq; descendit. quia usq; ad finē uitę huius. bonis operibus insistere debet sacerdos. precipiente ac promittente domino. Esto fidelis usq; ad mortem. & dabo tibi coronam uitę.

DE CINGVLO.

Ca. XVII.

tertium uestimentū est cingulum siue baltheū.  
t quo utuntur ne tunica ipsa defluat. et gressum impediāt. hoc nimirum custodiā mentis significat. Qui enī tunica talari indutus. absq; cingulo incidit. defluit tunica. ac relicto corpe uentis & frigoribus intrandi spacium tribuit. quin & prepeditis gressibus. incidendi usum retardat. uel etiā calcantibus se causa efficitur ruine. Ergo lineos induunt sacerdotes. ut castitatem habeāt. accinguntur baltheis. ne ipsa castitas sit remissa & negligens. ne uento elationis animum perflandi aditum impendat. ne crescente iniquitate refrigerescere faciat charitatem ipsorum. ne bonorum gressus operū iactantie sue presumptiōis impediāt. ne

prepedito uirtutum cursu. ipsa etiam terrestris concu-  
piscētię sordibus polluta uilescat. & ad ultimū autho-  
rem suum ad ruīnam superbiendo impellat.

DE PHANONE.

Ca. XVIII.

Vantum uero mappula siue mātīle . sacerdotis  
indumentum est. quod uulgo phanonē uocāt.  
quod ob hoc eorum tunc manibus tenet̄ q̄ndo  
missę officium agitur. ut paratos ad ministeriū mensę  
domini populus conspiciat. Mappę ergo conuiuij &  
epularum adpositarū lintheamina sunt. unde diminu-  
tuum mappula sicut et mantilia . nūc pro operiendis  
mensis sunt. quę ut nomē ipsorū indicat. olim tergēdis  
manibus prebebantur . Oportet ergo sacerdotes . &  
ministros altaris mappulas manibus tenere . quorum  
officium est diuina sacramēta cōficere. ut cū deuotiōe  
mentis opus spontaneum concordat. digne exerceat̄  
officium. quod pie diuino est munere collatum .

DE ORARIO idest STOLA

Ca. XIX.

Vantum quoq; est quod orarium dicitur . licet  
hoc quīdam stolā uocēt. Hoc enī genere uestis  
solūmodo eis personis uti est concessum. qbus  
predicandī officium est delegatū. Bene etiam oratoris  
bus christi orariū habere cōuenit. quia cū indumentū  
eorum officio pprio concinnat. & ipsi sedulo ad uerbi  
ministeriū cohortantur. et plebs ipsis cōmissa indicium  
salutare conspiciens. ad meditationē legis concurrere  
feruentius ammonet̄. Apte ergo orarium collū simul  
& pectus tegit sacerdotis. ut inde instruatur. qd qd  
ore proferat. tractatu summe rationis attēdat. ut illud  
apostoli semper in eo appelletur quo dicit. orabo spi-  
ritu. orabo & mente. psallam spiritu. psallam et mente.  
& iterum. Os nostrū ad uos o Chorinthi. cor nostrum